



Annou pa bliye: US ti kont 13-enm mwan saler

Letan LDS ti ankor dan Lopozisyon, zot ti lager for pour Seselwa ganny en trezyenm mwan saler me gouvernman a lepok dirize par Parti Lepep/US pa ti an faver ditou. Zot largiman sete ki Lopozisyon ti pe fer politik bonmarse. Zot ti menm kestyonnen kote gouvernman ti pou ganny larzan pou fer sa. Erezman pou Seselwa, LDS ti ranport en mazorite dan parlman e gouvernman ti oblize sede e lalwa pou pey trezyenm mwan saler ti finalman vin an fors an 2017.

Sa ki trakasan se ki ozordi zour US pe kontinyelman fer Seselwa mazinen ki anba zot direksyon, lekonomi Sesel ti pli meyer ki zanmen dan son listwar. Si sa ti le ka, kestyon ki tou Seselwa i bezwen demande (*kontinyasyon lo paz 2*)



Lekel ki ti politiz servis piblik?



Apre en long parkour anba gouvernans SPPF/Parti Lepep/US, i agasan ekout bann dirizan sa parti blanm tou zot bann gaf lo gouvernman aktyel. Menm si Seselwa in retir

zot o-pouvwar atraver bwat vote zot ankor krwar ki se selman zot ki annan drwa diriz sa pei. Ozordi zot pe konplent konmkwa servis piblik in ganny politize. Be lekel ki ti politiz servis piblik?

Eski sa 15-an ki Sesel in traverse anba en gouvernman parti inik apre en kou-deta pa'n kree en servis piblik antyerman politize? Eski servis piblik sa letan pa ti deser- vi parti politik olye leta Seselwa? Eski bann travayer servis piblik pa ti oblize vin manm parti SPPF e bann o-zofisye dan gouvernman vin manm la milis popiler pou defann sa swadizan larevolisyon?

Apre multiparti an 1993, eski pa ti menm parti politik ki ti reste o-pouvwar pou ankor 25-an avek en poli- si 'ek nou, pa ek nou' byen anrasinen?

La realite ozordi se ki ser- vis piblik i ankor konpri

bann endividi ki ti la depi lepok parti inik. Malerezman bokou i ankor fer zot travay avek en optik politik me sa pa akseptab anba nouvo gouvernman. Apre tou sa domaz ki SPPF/Parti Lepep/US in fer dan servis piblik, pou pran nouvo ladminis- trasyon bokou letan pou donn Sesel en servis piblik enparsyel e profesyonnel. Se sa ki lopozisyon pa oule arive aksepté zot lentansyon se kit gouvernman otaz atraver zot bann azan dan servis piblik. Lider US i menm mank lap- arol e koz lo son 'network' dan gouvernman. Sa latitid i malere e klerman montre zot determinasyon pou fer servis piblik reste en zouti politik.

Programm 'IMF' i toultan vin avek kondisyon



Pour dezyenm fwa dan son listwar Sesel i trouv li anba en programm 'IMF' (Fon Moneter Enternasyonal). Sa voyaz rezon pour antre dan en programm avek 'IMF' i evidan. Lemonn antye pe fer fas avek en pandemi e lendistri touris lo ki Sesel i depan in ganny severman afekte e reveni in redwir konsiderableman. Seselwa in perdi travay, lotel ti'n fermen e lezot biznes ki depan lo touris in dan bokou difikilte. Menm si gouvèrnman in pran bann mezir pour relans bann aktivite ekonomik, lekonomi Sesel i reste dan gran difikilte e bokou programm pou nepli

soutenab si gouvèrnman pa prèt larzan. Gouvèrnman alor in vir ver 'IMF'.

Parkont kriz ekonomik 2008 kot nou ti apel IMF pou premye fwa ti enn koze antyerman par move zesyon sa gouvèrnman ki ti o-pouvwar.

Parey kot en lakour, i bezwen annan serten lazisteman pou fer letan i annan det. Apre tou, IMF i bezwen fer sir Sesel i met an plas en sistenm fiskal e moneter ki a non selman garanti en relansman ekonomik me osi met pei dan en pozisyon pou repey IMF son lo'n.

Dan dernyen programm

avek IMF, gouvèrnman Sesel dirize par Parti Lepep a lepok, ti pran serten mezir 'ser sang' ki ti permet li enplimant programm IMF san okenn retar. Apre tou, gouvèrnman ti annan sipor LDS ki ti dan lopoziyon. Parmi bann aksyon ki ti ganny pran, ti annan rediksyon dan servis piblik enkli sa fame 'depar volontèr' kot travayer servis piblik ti ganny demande pou pran retret a laz 55-an.

I evidan ki se travayer servis piblik ki pou ganny plis

afekte avek programm IMF, senpleman aköz servis piblik pa prodwir okenn larises finansyel pour pei menm si zot servis i esansyel. Gouvèrnman dizour napa gran swa apard koup depans gouvèrnman parey ti ganny fer anba premye programm.

I enbesil e iresponsab pour zis asize e konplent konmkwa serten privez pe ganny retire kan i evidan ki Sesel pe pas atraver en peryod difisil kot sak sitwayen i bezwen kontribye son par pou rebatir nou lekonomi. Lopoziyon pou rod tou mwayen pour dramatis tou desizyon ki gouvèrnman i pran pou enplimant sa programm IMF. Parey ler nou prèt larzan, nou bezwen rann. Pou fer sa nou bewen adapte nou lavi e koup lo nou depans. Pei osi i mars parey.

Annou pa bliye...

se: aköz ki Parti Lepep/US ti obzekte pour donn 13-enm saler? Eski zot ti vreman annan lentere Seselwa a-ker?

Avek Kovid-19 ki'n devaste nou lekonomi, gouvèrnman ti napa swa me pou aret peyman 13-enm mwan saler lannen pase. Difikilte ekonomik pe persiste malgre tou lendikasyon pe montre bann sinny pozitiv.

Antretan tou sitwayen avek en lespri lo zot zepol i realize ki lekonomi pa

ankor ase for pou gouvèrnman rekomans peyman en 13-enm mwan saler. Lamazorite biznes prive i ancor pe rekipere e zot osi zot pa dan en pozisyon pou pey en 13-enm mwan saler. Lamazorite Seselwa in fini konpran sa realite eksepte Lopoziyon. Napa ki zot pa pou fer pou esey detourn lopinyon piblik kont gouvèrnman me zot in oublie pou dir bann zanfan Seselwa in fini matir. Sa zwe Soungoula lo 13-enm mwan saler i ancor fre dan zot lespri.

Dokter i kontinyen konplent

Sa konferans-de-pres US in fini vin en 'tete-a-tete' an direk. Journalis menm nepli annan lentere pour asiste. Pli ale, sa bann mangonnen pe transform an teat kot nou komans apersevwar bann dezekilib mantal.

I annan keksoz ki enkrwayab me vre. Parti SPUP/SPPF/Parti Lepep/US ti kree e servi larme pour sa dernyen 43-an. Fe listwar i reste vivan dan memwar tou Seselwa me Dokter Her-

minie i oule fer nou krwar ki se gouvèrnman LDS ki pe servi larme pou fer dimoun per. Vreman? Sa boug i totalman konfize. I dir son parti in donn pei en larme profesyonnel. Kote ki en larme profesyonnel i pas letan fer dimoun per? Pran ou en desizyon dokter!

Dokter i tre ankoler ki gouvèrnman LDS pe enplimant son azanda politik. I kriy a ot-vwa ki gouvèrnman pe enplimant son azanda neo-liberal e dapre li sa i mal. In fini oublie ki pep Seselwa ti elekte en gouvèrnman LDS pou prezizeman enplimant en manda ki pou sanz tou sa ki US ti pe fer mal e sa i enkli fer sir ki US i reste dan lopoziyon osi lontan posib.